



Broj: 05-671-4/20
Sarajevo, 26.03.2020. godine

Na osnovu člana 23. stav (1) tačka d) Zakona o Agenciji za bankarstvo Federacije BiH („Službene novine Federacije BiH“, broj: 75/17), člana 16. stav 1) tačka j) Statuta Agencije za bankarstvo Federacije BiH („Službene novine Federacije BiH“, broj: 3/18), člana 64. stav (1) tačka b), člana 70. stavovi (1), (3) i (6) Zakona o javnim nabavkama („Službeni glasnik BiH“, broj: 39/14) i člana 10. stav (1) Pravilnika o postupku dodjele ugovora o uslugama iz Aneksa II. dio B Zakona o javnim nabavkama („Službeni glasnik BiH“, broj: 66/16), a na osnovu preporuke Komisije za javne nabavke iz Zapisnika o pregledu i ocjeni ponuda u postupku nabavke usluga, broj: 05-671-3/20 od 24.03.2020. godine, direktor Agencije za bankarstvo Federacije BiH donio je

ODLUKU

o izboru najpovoljnijeg ponuđača u postupku nabavke usluga

Član 1.

Prihvata se preporuka Komisije za javne nabavke iz Zapisnika o pregledu i ocjeni ponuda, broj: 05-671-3/20 od 24.03.2020. godine i ugovor za javnu nabavku usluga tehničkog savjetovanja za potrebe Agencije za bankarstvo Federacije BiH dodjeljuje se ponuđaču „Edge“ d.o.o. Sarajevo.

Član 2.

Ukupna vrijednost ugovora iz tačke I. ove odluke za period od 01.04.2020. do 31.12.2020. godine iznosi 28.800,00 KM, bez poreza na dodanu vrijednost (PDV), što u konačnici sa uračunatim PDV-om iznosi 33.696,00 KM.

Član 3.

Ova Odluka bit će objavljena na internetskoj stranici Agencije www.fba.ba, istovremeno sa upućivanjem iste ponuđaču koji je sudjelovao u postupku javne nabavke, u skladu sa odredbom člana 70. stav (6) Zakona o javnim nabavkama.

Član 4.

Za izvršenje ove odluke zadužuje se Sektor zajedničkih funkcija.

Član 5.

Ova odluka stupa na snagu danom donošenja.

O B R A Z L O Ž E N J E

Postupak javne nabavke predmetnih usluga pokrenut je u skladu sa Odlukom o pokretanju postupka javne nabavke usluga, broj: 05-671/20 od 26.02.2020. godine. Kako se radi o uslugama na koje se primjenjuje poseban režim nabavke, javna nabavka provedena je u skladu s članom 8. Zakona o javnim nabavkama, uz primjenu Pravilnika o postupku dodjele ugovora o uslugama iz Aneksa II. dio B Zakona o javnim nabavkama. Poziv za dostavu ponuda objavljen je na internetskoj stranici Agencije za bankarstvo Federacije BiH dana 28.02.2020. godine, uz istovremeno upućivanje istog na adrese trojice potencijalnih ponuđača. Procijenjena vrijednost nabavke utvrđena je u iznosu od 33.000,00 KM, bez poreza na dodanu vrijednost (PDV).

Odlukom direktora Agencije, imenovana je komisija za javne nabavke kojom su definisane njene nadležnosti, koje uključuju poslove otvaranja, pregleda i ocjene ponuda, te davanje preporuke za odabir najpovoljnijeg ponuđača.

Slijedom navedenog, djelujući u okviru svojih nadležnosti i ovlaštenja, komisija je provela postupak pregleda i ocjene ponuda, te o tome sačinila Zapisnik o pregledu i ocjeni ponuda u kojem je utvrdila da je u ovom postupku nabavke pravovremeno pristigla jedna ponuda, dostavljena od strane ponuđača „Edge“ d.o.o. Sarajevo, na iznos od 28.800,00 KM, bez poreza na dodanu vrijednost (PDV), koja je ocijenjena kao prihvatljiva imajući u vidu da u cijelosti zadovoljava minimalne uslove za kvalifikaciju ponuđača postavljene u Pozivu za dostavu ponuda.

Na osnovu naprijed navedenog, komisija je nakon okončanog postupka nabavke, primjenjujući zadani kriterij najniže cijene tehnički zadovoljavajuće ponude, dala preporuku da se ugovor za javnu nabavku predmetnih usluga dodijeli privrednom subjektu „Edge“ d.o.o. Sarajevo, koji je dostavio ponudu na iznos od 28.800,00 KM bez poreza na dodanu vrijednost (PDV), koja je ocijenjena kao prihvatljiva, s ponuđenom cijenom koja je usklađena s procijenjenom vrijednosti nabavke.

Uzimajući u obzir sve prethodno navedeno, cijeneći ovako utvrđeno činjenično stanje, primjenom člana 69. stav (1) tačka a) i člana 70. stavovi (1), (3) i (6) Zakona o javnim nabavkama, odlučeno je kao u dispozitivu.

Pouka o pravnom lijeku:

Protiv ove odluke može se izjaviti žalba ugovornom organu – Agenciji za bankarstvo Federacije BiH, u roku od 30 (trideset) dana od dana objave obavještenja o dodjeli ugovora, u skladu s članom 101. stav (4) tačka b) Zakona o javnim nabavkama. Žalba se podnosi u pisanom obliku – u tri primjerka.


DIREKTOR
Jasmin Mahmuzić

Dostaviti:

1. Ponuđaču u postupku: „Edge“ d.o.o. Sarajevo

